

LUTRIJA BOSNE I HERCEGOVINE d.o.o.Sarajevo
NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 14.01.2019. godine, d o n i o j e

P R A V I L A
novčane srećke “Srebreni Bonus”

1. OPŠTE ODREDBE

Član 1.

Ovim se Pravilima propisuju uslovi za priređivanje novčane srećke “Srebreni Bonus” (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri novčane srećke “Srebreni Bonus”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Novčana srećka “Srebreni Bonus” je igra na sreću sa unaprijed utvrđenom visinom fonda dobitaka, u kojoj učesnik skidanjem kolor emulzije sa određenih polja saznaje rezultat igre, koji je otisnut u prostoru za označavanje dobitka.

Član 4.

Rok prodaje novčane srećke “Srebreni Bonus” otisnut je na srećki.

Rok prodaje srećke i krajnji rok za naplatu dobitaka mogu se produžiti odlukom direktora Priređivača.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je sa Priređivačem zaključila ugovor iz člana 2. ovih Pravila, uz dokaz da posjeduje srećku.
Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovine i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 1.000.000,00 KM (jedan million konvertibilnih maraka).

Odluku o broju serija donosi direktor Priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000,00 KM.

Fond dobitaka iznosi 73,33% od ukupne emisije vrijednosti srećke umanjene za iznos naknade za priređivanje srećki ili 66% od ukupne emisije vrijednosti.

Novčana vrijednosti fonda dobitaka iznosi 660.000,00 KM i dijeli se na 227.157 dobitaka.

Fond dobitaka serije se raspoređuje po sljedećem planu:

Vrsta dobitka u osnovnoj igri	Ukupan broj dobitnih srećki	Iznos koji se izdvaja iz fonda dobitaka	Vjerovatnoća 1 : ...
1 KM	100.000	100.000 KM	10,00
2 KM	71.000	142.000 KM	14,08
4 KM	37.250	149.000 KM	26,85
10 KM	15.600	156.000 KM	64,10
20 KM	3.150	63.000 KM	317,46
100 KM	150	15.000 KM	6.666,67
1.000 KM	5	5.000 KM	200.000,00
15.000 KM	2	30.000 KM	500.000,00
Ukupno:	227.157	660.000 KM	4,40

Prosječna vjerovatnoća za ostvarivanje dobitaka iznosi 1 : 4,40.

8. OPIS SREĆKE

Član 10.

Srećka je kockastog oblika.
Prednja strana srećke sadrži:

- Logo Lutrije Bosne i Hercegovine;
- Cijena srećke;
- Najveći dobitak 15.000 KM;
- Naziv srećke „Srebreni Bonus“;
- Veće polje, za grebanje, prekriveno kolor emulzijom označeno natpisom „NAJVEĆI DOBITAK 15.000 KM-ogrebite ovdje“. Ispod ovog polja nalazi se devet otisnutih iznosa dobitaka;
- Manje polje za grebanje prekriveno kolor emulzijom označeno natpisom BONUS, ispod kojeg se nalazi šest otisnutih iznosa dobitaka;
- Pakovni broj srećke;
- Polje prekriveno emulzijom sa natpisom „NE SKIDAJ“.

Poleđina srećke sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo „IGRAJ ODGOVORNO“;
- Logo WLA - Certified Security Control Standard;
- Logo THE EUROPEAN LOTTERIES - RESPONSIBLE GAMING CERTIFIED;

- NOVČANI DOBITAK: Ukoliko se nakon skidanja emulzije za grebanje u jednom od dva ponuđena polja za igru otkriju tri ista novčana iznosa ostvaruje se taj dobitak u jednostrukom iznosu;
- SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“;
- Emisija: 1.000.000 srećaka;
- Emisiona vrijednost: 1.000.000 KM;
- Fond dobitaka: 660.000 KM;
- Datum prodaje do otisnut na srećki;
- PLAN DOBITAKA;
- Priređivač: Lutrija BiH d.o.o. Sarajevo, Ul.Mehmeda Spahe 11, 71.000 Sarajevo;
- Podaci o dobitniku, za oporezive dobitke: ime i prezime, JMBG, adresa;
- Polje sa uplatnom šifrom u brojčanoj i bar kod formi;
- Pakovni broj srećke.
- Pakovni kod srećke.

9. UTVRĐIVANJE DOBITAKA

Član 11.

Igrač utvrđuje dobitak skidanjem kolor emulzije sa oba ponuđena polja za igru na prednjoj strani srećke. Ukoliko u jednom od dva polja za igru pronađe tri ista novčana iznosa, ostvaruje dobitak u jednostrukom iznosu.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitak se isplaćuje donosiocu srećke.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobici prodatih srećaka, koji nisu isplaćeni do propisanog roka, smatraju se neisplaćenim dobicima.

Član 15.

Priredivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano „NE SKIDAJ“ se nalazi šifra. Priredivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima Priredivača. Osobama zainteresiranim za učestvovanje u igri Priredivač je dužan omogućiti upoznavanje sa ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-31-115-3/19.
Dana: 14.01.2019. godine

P R E D S J E D N I K

Miroslav Čorić, s.r.